

**Классика**  
в школе и дома



# Повесть о Петре и Февронии Муромских

Москва



2018

УДК 821.161.1  
ББК 84(2Рос=Рус)-1  
П42

Оформление серии *Ольги Горбовской*

Иллюстрации художника *Александра Храмцова*

**Повесть о Петре и Февронии Муромских . —**  
П42 Москва : Эксмо, 2018. — 144 с. — (Классика в  
школе).

ISBN 978-5-04-093886-5 (Классика в школе)  
ISBN 978-5-04-093896-4 (Внеклассное чтение)

Древнерусские повести «Хождение за три  
моря Афанасия Никитина», «Повесть о Петре и  
Февронии Муромских» входят в обязательную  
программу по литературе в 5, 7, 8-х классах.

УДК 821.161.1  
ББК 84(2Рос=Рус)-1

ISBN 978-5-04-093886-5  
ISBN 978-5-04-093896-4

© Панченко А.М., подготовка текста  
и примечания, наследник, 2018  
© Дмитриева Р.П., подготовка текста  
и примечания, наследник, 2018  
© Дмитриев Л.А., подготовка текста  
и примечания, наследник, 2018  
© Оформление. ООО «Издательство  
«Эксмо», 2018

# ПОВЕСТЬ О ПЕТРЕ И ФЕВРОНИИ МУРОМСКИХ

*Повесть от жития святых новых чудотворец Муромских благовернаго и преподобнаго и достохвалнаго князя Петра, нареченнаго во иноческом чину Давида, и супруги его благоверныя и преподобныя княгини Февронии, нареченныя во иноческом чину Ефросинии. Благослови, отче.*

Се убо в Русийстей земли град, нарицаемый Муром. В нем же бе самодержавствуяи благоверный князь, яко поведаху<sup>1</sup>, именем Павел. Искони же ненавидяи добра роду человеческому, диявол всели<sup>2</sup> неприязненаго летящаго змия к жене князя того на блуд. И являшеся ей яков же бе естеством, приходящим же людем являшеся

---

<sup>1</sup> как рассказывают.

<sup>2</sup> насрал.

своими мечты<sup>1</sup>, яко же князь сам седяше з женою своею. Теми же мечты многа времена преидоша, жена же сего не таяше, но поведате князю мужеву своему вся ключающаяся<sup>2</sup> ей, змий же неприязнивый осиле над нею.

Князь же мысляще, что змиеви сотворити, но недоумеяшеса. И рече жене си: «Мыслю, жено, но недоумею, что сотворити неприязни тому. Смерть убо не вем<sup>3</sup>, каку нанесу на нь. Аще бо глаголет к тебе какова словеса, да вопросиши его лестию и о сем: весть ли сей неприязнивый духом своим, от чего ему смерть хочет быти. Аще ли увеши<sup>4</sup>, нам поведаеши, свободишися не токмо в нынешнем веце злаго его дыхания и сипения и всего скаредия<sup>5</sup>, еже смрадно есть глаголати, но и в будущий век нелицемернаго судию Христа милостива себе сотвориши!»

Жена же мужа своего глагол в сердцы си твердо приимши, умысли во уме своем: «Добро тако быти».

---

<sup>1</sup> хитростями.

<sup>2</sup> случившееся.

<sup>3</sup> не знаю.

<sup>4</sup> узнаешь.

<sup>5</sup> осквернения.

Во един же от днии неприязнивому тому змию прилетевшу к ней, она же добру память при сердцы имея, глагол лестию предлагает к неприязни той, глаголя многия инья речи, и по сих с почетом воспросив его хваля, рече бо, яко «много веси<sup>1</sup>, и веси ли кончину си<sup>2</sup>, какова будет и от чего?» Он же неприязнивый прелестник прельщен добрым прелщением от верныя жены, яко непщева<sup>3</sup> тайну к ней изреци, глаголя: «Смерть моя есть от Петрова плеча, от Агрикова же меча!»

Жена же, слышав такую речь, в сердци си твердо сохрани и по отшествии неприязниваго того поведи князю мужеву своему, яко же рекл есть змий. Князь же то слышав, недоумяшеся, что есть смерть от Петрова плеча и от Агрикова меча.

Имеяше же у себе приснаго брата, князя именем Петра. Во един же от днии призва его к себе и начат ему поведати змиевы речи, яко же рекл есть жене его. Князь же Петр слышав от брата своего, яко змий на-

---

<sup>1</sup> знаешь.

<sup>2</sup> свою.

<sup>3</sup> *Здесь*: не думая, не предполагая.

рече тезоименита ему исходатая смерти своей, нача мыслити, не сумняся мужествене, како бы убити змия. Но и еще в нем беаше мысль, яко не ведыи Агрикова меча.

Имеяше же обычай ходити по церквам уединяся. Се же вне града церковь в жень-стем монастыри Воздвижение честнаго и животворящаго креста. И прииде к ней един помолитися. Яви же ся ему отроча, глаголя: «Княже! Хочеши ли да покажу ти Агриков мечь?»

Он же хотя желание свое исполнити рече: «Да вижу, где есть!» Рече же отроча: «Иди вслед мене». И показа ему во олтарней стене межи камения скважню, в ней же лежаще мечь. Благоверный же князь Петр взял мечь той и прииде и поведи брату своему. И от того дни искаше подобна<sup>1</sup> времени да убьет змия.

По вся же дни ходя к брату своему и к сносе<sup>2</sup> своей на поклонение. Ключи же ся ему прийти во храмину ко брату своему. И в том же часе шед к сносе своей во храмину и виде брата своегоседаща у нея. И паки по-

---

<sup>1</sup> подходящего.

<sup>2</sup> снохе.

шед от нея, встрете некоего от предстоящих брату его и рече ему: «Изыдох бо от брата моего к сносе моей, брат же мой оста в своем храме. Мне же, не косневшу ни камо<sup>1</sup> же, вскоре пришедшу в храмину к сносе моей и не свем чюждуся<sup>2</sup>, како брат мой напредь мене обретеса в храмине у снохи моя?» Той же человек рече ему: «Никако же, господи, по твоём отшествии не изыде брат твой из своя храмины!»

Он же разуме быти пронырству лукаваго змия. И прииде к брату и рече ему: «Когда семо прииде? Аз бо от тебе изыдох, и нигде же ничесо же помедлив, приидох к жене твоей в храмину и видех тя с нею сидяща и почюдихся<sup>3</sup>, како напредь мене обретеса. Приидох же паки семо, нигде же ничесо же помедлив, ты же, не вем како мя предтече<sup>4</sup>, напредь мене zde обретеса». Он же рече: «Никако же, брате, из храма сего по твоём отшествии не изыдох и у жены своя никако же бе». Князь же Петр рече: «Се

---

<sup>1</sup> не задержавшись нигде.

<sup>2</sup> изумился.

<sup>3</sup> подивился.

<sup>4</sup> опередил.

есть, брате, пронырство лукаваго змия: да тобою ми ся кажет<sup>1</sup>, аще не бых хотел убить его<sup>2</sup>, яко непщюя тебе<sup>3</sup> своего брата. Ныне убо, брате, отсюду никамо же иди, аз же тамо, иду братися со змием, да негли божию помощию убьен будет лукавый змий сей».

И взял мечь, нарицаемый Агриков, и прииде в храмину к сносу своей, и виде змия зраком аки брата си, и твердо уверися, яко несть брат его, но прелестный змий, и ударил его мечем. Змий же явился яков же быше естеством и нача трепетатися и бысть мертв и окропи блаженнаго князя Петра кровию своею. Он же от неприязнивыя тоя крови острупе, и язвы быша, и прииде на нь болезнь тяжка зело. И искаше во своем одержани<sup>4</sup> от мног врачей исцеления, и ни от единого получи.

Слышав же, яко мнози суть врачеве в пределех Рязаньския земли, и повеле себе тамо вести, не бе бо сам мощен на кони седе-

---

<sup>1</sup> тобою мне показывается.

<sup>2</sup> чтобы не убил его.

<sup>3</sup> предполагая в нем тебя.

<sup>4</sup> княжестве.

ти от великия болезни. Привезен же бысть в пределы Рязаньския земли и послав синклит свой искати врачей.

Един же от предстоящих ему юноша уклонися в весь, нарицающуюся Ласково. И прииде к некоего дому вратом и не виде никого же; и вниде в дом и не бе кто бы его чюл; и вниде в храмину и зря видение чудно: седяше бо едина девица и ткаше красна<sup>1</sup>, пред нею же скача заец.

И глаголя девица: «Нелепо есть быта дому без ушии и храму безо очию!» Юноша же тоя глагол не внят во ум, рече девици: «Где есть человек мужеска полу, иже zde живет?» Она же рече: «Отець мой и мати моя поидоша взаим<sup>2</sup> плаката, брат же мой иде чрез ноги в нави зрети».

Юноша же той не разуме глагол ея, дивляшеся, зря и слыша вещь подобну чудеси и глагола к девици: «Внидох к тебе и вижу тя делающую и видех заець пред тобою скача и слышу от устну твоею глаголы странны некаки и сего не вем<sup>3</sup>, что глаголеши.

---

<sup>1</sup> холст, полотно.

<sup>2</sup> взаимы.

<sup>3</sup> не понимаю.

Первое бо рече: «Нелепо есть быта дому без ушию и храму без очию». Про отца же твоего и матерь рече, яко «идоша взаим плаката», брата же своего глаголя «чрез ноги в нави зрети». И ни единого слова от тебе разумех». Она же глагола ему: «Сего ли не разумееш! Прииде в дом сии и в храмину мою вниде и виде мя сидящу в простоте<sup>1</sup>. Аще бы был в дому наю<sup>2</sup> пес и чюв тя к дому приходяща, лаял бы на тя: се бо есть дому уши. И аще бы было в храмине моей отроча и виде тя к храмине приходяща, сказало бы ми: се бо есть храму очи. А еже сказах ти про отца и матерь и брата, яко отец мой и мати моя идоста взаим плаката — шли бо суть на погребение мертваго и тамо плачут, и егда же по них смерть приидет, инии по них учнут плакати: сей есть заимованный плачь. Про брата же ти глаголах, яко отец мой и брат мой древолазцы суть, в лесе бо мед от древня емлют. Брат же мой ныне на таковое дело иде, яко же лести на древо в высоту чрез ноги зрети к земли, мысля, абы не урватися с высоты. Аще ли кто урвется,

---

<sup>1</sup> неприбранной.

<sup>2</sup> нашем.

сей живота гоньзнет. Сего ради рех, яко иде  
через ноги в нави зрети».

Глагола ей юноша: «Вижу тя девице мудру сушу. Повеждь ми имя свое». Она же рече: «Имя ми есть Феврония». Той же юноша рече к ней: «Аз есмь муромскаго князя Петра служаи ему. Князь же мой имея болезнь тяжку и язвы. Оструплену бо бывшу ему от крови неприязниваго летящаго свирепаго змия, его же есть убил своею рукою. И в своем одержании искаше исцеления от мног врачей и ни от единого получи. Сего ради семо повеле себе привести, яко слыша zde многи врачеве. Но мы не вемы, како именуются, ни жилищ их вемы, да того ради вопрошаем о нею». Она же рече: «Аще бы кто требовал князя твоего себе, мог бы уврачевати». Юноша же рече: «Что убо глаголеши, еже кому требовати князя моего себе? Аще кто уврачует, то князь мой даст ему имения много. Но скажи ми имя врача того, кто есть и камо есть жилище его». Она же рече: «Да приведеш князя твоего семо. Аще будет мяхкосерд и смирен во ответех, да будет здрав!»

Юноша же той скоро возвратися ко князю своему и поведа ему все подробну, еже виде и

еже слыша от девицы. Благоверный же князь Петр рече: «Да везете мя, где есть девица».

И привезоша его в дом той, в нем же есть девица. И посла<sup>1</sup> к ней отрок своих, глаголя: «Повежь ми, девице, кто есть, хотя мя уврачевати? Да уврачует мя и возмет имения много». Она же не обинуясь<sup>2</sup> рече: «Аз есмь хотяи врачевати, но имения не требую от него прिया. Имам же к нему слово таково: аще бо не имам быти супруга ему, не тебе ми есть<sup>3</sup> врачевати его».

И пришед человек той, поведая князю своему, яко же рече девица. Князь же Петр яко не брегии<sup>4</sup> словеси ея и помысли: «Како князю сущу древолазца дщи пояти себе жену?» И послав к ней рече: «Рцыте ей, что есть врачевство ея, да врачует. Аще ли уврачует, имам пояти ю себе жену!»

Пришедше же реша ей слово то. Она же взем сосудец мал, почерпе кисляжди<sup>5</sup> своея и дунув на ню и рече: «Да учредят князю вашему баню и да помазует сим по телу свое-

---

<sup>1</sup> послал.

<sup>2</sup> без колебаний.

<sup>3</sup> нет смысла мне.

<sup>4</sup> не обратил внимания.

<sup>5</sup> хлебной закваски.